

140 aður, skal hjermeð þjónustusamlega skorað á yður, herra amtmaður, að annast um, að 30. nóv. aukakosning fari fram í Vestmannaeyjasýslu til þess að kjósa alþingismann í stað hins látna fyrir það sem eptir er af kjörtímanum, sem nú stendur yfir.

141 Brjef landshöfðingja til amtmannsins yfir suðuramtinu og vesturamtinu um 30. nóv. greiðslu málskostnaðar í landamerkjamáli. — Með þóknanlegu brjefi, dags. 23. septbr. þ. á., hafið þjer, herra amtmaður, sent hingað erindi frá sýslumanninum í Suður-Múlasýslu, þar sem hann fer þess á leit, að helmingur hins úrskurðaða málskostnaðar í landamerkjamáli milli Hólma og Borga verði greiddur honum úr landssjóði með kr. 60,75, með því að sóknarpresturinn að Hólumum hafi haft gjafvörn í málinu fyrir hönd Hólmakirkju.

Út af þessu vil jeg tjá yður, herra amtmaður, yður til leiðbeiningar og til birtingar fyrir sýslumanninum í Suður-Múlasýslu, að eins og ekki er heimild til að greiða áminnztan málskostnað úr landssjóði til fullnaðar samkvæmt lögum um gjafsóknir 12. júlí 1878, 5. gr., með því að landamerkjadómur Suður-Múlasýslu í málinu er ónýttur af landsyfirdóminum og það þannig ekki er ákveðið með fullnaðardómi, að málskostnaðurinn eigi að greiðast af almannaþje, þannig er heldur ekki heimild til að greiða hann fyrirfram úr landssjóði samkvæmt lögum um borgun til hreppstjóra og fl., 13. janúar 1882, 13. gr., því að af málskostnaðarreikningnum verður ekki sjæð, að varnaraðili, sem gjafvörnina hafði, hafi beiðst neinnar af gjörðum þeim, sem gjald er reiknað fyrir, og tekur því ekki til hans nje landssjóðs fyrir hans hönd að greiða fyrirfram gjöldin fyrir þessar gjörðir, heldur til sóknaraðila sem gjörðarbeiðanda.

142 Brjef landshöfðingja til stiptsyfirvaldanna um eptirlaun prestaekkna. — I 30. nóv. þóknanlegu brjefi 6. þ. m. hafa hin heiðruðu stiptsyfirvöld beiðst úrskurðar míns um það, hvort eigi megi greiða annari af þeim tvöim prestsekkjum, sem nú eru í Saurbæjarprestakalli í Eyjafirði, eptirlaun úr landssjóði, enda þótt þær báðar hafi verið komnar á eptirlaun áður en lög 3. okt. 1884 um eptirlaun prestsekkna komu í gildi, og hafið þjer jafnframt tekið það fram, að eptir því sem þjer getið rjettast skilið, virðist nýnefnd lög hafa sett það upp sem almenna ákvörðun, að engin prestsekkja megi fá minni eptirlaun en 100 kr. á ári (sbr. 1. og 5. gr.), en mikið vanti á, að þetta eigi sjer stað hjer, þar sem prestsekkjur þær, sem hjer sje um að ræða, fáí hvor um sig aðeins 55—60 kr. í eptirlaun á ári, og þó að ekkjur þessar sjeu presrsekkjur í betra meðalbrauði yrðu þær þannig, með öðrum skilningi á lögnum, ver settar en prestsekkjur frá fátækum brauðum.

Útaf þessu undanfelli jeg eigi hjermeð þjónustusamlega að tjá yður, til þóknanlegrar leiðbeiningar, að skilningur sá, er þjer þannig hafið látið í ljósi á lögum 3. okt. 1884, hefir að mínu áliti ekki stoð í þessum lögum, sem aðeins, að undantekinni 5. gr., ræða um konur þær, sem hjer á eptir verða ekkjur presta, og geta áminnstar prestsekkjur í Saurbæjarprestakalli því eigi átt neitt tilkall til eptirlauna úr landssjóði samkvæmt nefndum lögum. En að því er snertir þá ástæðu stiptsyfirvaldanna fyrir skilningi yðar, að prestsekkjur þessar sjeu ver settar en prestsekkjur frá fátækum brauðum, sem njóta góðs af 5. gr. laganna, þá vil jeg benda yður á það, að í frumvarpi stjórnarinnar til

fjárlaganna fyrir 1886 og 1887 (Alp.tíð. 1885, C. bls. 30. við A. b. 4.) er einmitt gjört ráð 142
fyrir því að úr þessari misfelli á lögunum verði bætt við úthlutunina á fje því, sem 30. nóv.
veitt er í fjárlaganna 13. gr. A. b. 6.

Brjef landshöfðingja til amtmannsins yfir suðuramtinu og vesturamtinu um 143
tollgjald af vínföngum sem brúkuð eru sem skipsforði á fiskiskipum. — Með þókn- 1. des
anlegu brjefi 11. f. m. hafið þjer, herra amtmaður, sent hingað brjef sýslumannsins í
Barðastrandarsýslu og þar með fylgjandi erindi Markúsar kaupmanns Snæbjarnarsonar á
Geirseyri með fylgiskjöllum, þarsem kaupmaður þessi sækir um, að fá endurgoldnar 125
kr. 70 a. sem toll af brennivíni og öli, sem fluttst hafi til Patreksfjarðar með skipinu
«Guðrún», en verið, hvað brennivínið snertir, skipað úr þessu skipi út í 3 fiskiskip til að
notast þar sem skipsforði á fiskiveiðum þeirra hjer við landið, og hvað ölið snertir verið
haldið eptir af skipstjóranum á «Guðrún» til að notast sem skipsforði á þessu skipi.

Útaf þessu vil jeg hjer með þjónustusamlega tjá yður, herra amtmaður, til þókn-
anlegrar leiðbeiningar og frekari birtingar, að með því að þau ein vínföng eru tollfrjáls
samkvæmt lögum, sem skipshöfnin á því skipi, sem vínföngin flutti hingað til landsins,
hafði meðferðis sem skipsforða, þá getur beiðni Markúsar kaupmanns Snæbjarnarsonar
eigi tekizt til greina.

Brjef landshöfðingja til amtmannsins yfir norður- og austuramtinu um skipt- 144
ingu Jökuldals- og Hlíðarhrepps í 2 hreppa. — Með þóknanlegu brjefi, dagsettu 25. 1. des.
október þ. á., hafið þjer, herra amtmaður, sent hingað erindi frá sýslumanninum í Norð-
ur-Múlasýslu, þarsem hann fyrir hönd sýslunefndarinnar í tjeðri sýslu og eptir ósk
hreppsnefndarinnar í Jökuldals- og Hlíðarhreppi fer þess á leit, að hreppi þessum verði
skipt í 2 hreppa, og hafið þjer mælt fram með því, að jeg samkvæmt 23. gr. sveitar-
stjórnartilskipunarinnar 4. maí 1872 skipi fyrir um hreppaskiptingu þessa á þann hátt,
sem óskað er eptir.

Fyrir því skal svo fyrirskipað sem hjer segir:

1. Jökuldals- og Hlíðarhreppi í Norður-Múlasýslu skal skipt í 2 hreppa, er nefnist
Jökuldalshreppur og Hlíðarhreppur, og skulu takmörkin milli hinna nýju hreppa
norðvestanmegin Jökulsár vera landamerkin milli Haukstaða og Fossvalla, og allur
sá hluti hins sameinaða hrepps, sem er fyrir suðaustan ána, vera í Jökuldals-
hreppi.
2. Öllum eignum — að meðtöldum kristfjárförðunum Fossvöllum og Ketilsstöðum —
skuldum og sveitarþingslum hins núverandi Jökuldals- og Hlíðarhrepps, þeim sem
verða þegar skiptingin fer fram, skal skipt milli hinna nýju hreppa að tiltölu við
hina samanlögðu tölu lausaffjárftundarinnar til fátækra- og sveitarútsvaranna hin síð-
ustu 5 fardagaár 1881—86 eins og þau hafa verið í hvorum hluta hins sameinaða
hrepps, sem nú á að verða hreppur útaf fyrir sig, og þannig að hreppsnefndin í
Jökuldalshreppi hafi byggingarráðin á Fossvöllum en hreppsnefndin í Hlíðarhreppi
byggingarráðin á Ketilsstöðum. Eptir sama hlutfalli skal skipta sveitarþyngslum,
sem síðar kunna að koma til og sem eiga rót sína í fjelagsskap þeim, er hingaðtil
hefir átt sjer stað milli hinna nýju hreppa.